

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 102. sjednici, održanoj 24.10.2025. godine, d o n o s i

O D L U K U

o davanju saglasnosti na Pravilnik o ostvarivanju prava radnika na naknadu prevoza na posao i s posla u djelatnosti osnovnog obrazovanja za teritorij Zeničko-dobojskog kantona

Član 1. (Predmet)

Daje se saglasnost na Pravilnik o ostvarivanju prava radnika na naknadu prevoza na posao i s posla u djelatnosti osnovnog obrazovanja za teritorij Zeničko-dobojskog kantona, broj: 10-02-8341-06/25 od 09.10.2025. godine.

Član 2. (Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-02-19211/25
Datum, 24.10.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x „Službene novine Zeničko-dobojskog kantona“,
1x a/a.

Na osnovu člana 18. stav (1) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15, 8/22), a u vezi sa članom 40. Kolektivnog ugovora za djelatnost osnovnog obrazovanja za teritorij Zeničko-dobojskog kantona, („Službene novine Zeničko-dobojskog kantona“, broj: 21/24), uz prethodnu saglasnost Vlade Zeničko-dobojskog kantona, ministar Ministarstva za obrazovanje, nauku, kulturu i sport Zeničko-dobojskog kantona, d o n o s i

PRAVILNIK

o ostvarivanju prava radnika na naknadu prevoza na posao i s posla u djelatnosti osnovnog obrazovanja za teritorij Zeničko-dobojskog kantona

Član 1.

(Predmet)

Ovim Pravilnikom uređuje se način i postupak ostvarivanja prava radnika na naknadu prevoza na posao i s posla u djelatnosti osnovnog obrazovanja za teritorij Zeničko-dobojskog kantona.

Član 2.

(Način i postupak ostvarivanja prava radnika na naknadu prevoza na posao i s posla)

- (1) Radnik kojem nije organizovan prevoz na posao i s posla za dane prisustva na poslu, a čije je mjesto stanovanja udaljeno od mjesta rada najmanje 5 (pet) kilometara, ima pravo na naknadu troškova prevoza na posao i s posla u visini mjesečne karte gradskog, prigradskog, odnosno, međugradskog saobraćaja, s tim da mjesečna naknada troškova prevoza ne može biti veća od 250,00 KM (Slovima: dvjestopedesetkonvertibilnihmaraka).
- (2) Pravo na troškove prevoza, ostvaruje se na osnovu pismenog zahtjeva radnika u kojem se obavezno navodi adresa stanovanja, mjesto rada i činjenica da svakodnevno putuje od mjesta stanovanja do mjesta rada.
- (3) Uz zahtjev iz stava (2) ovog člana radnik prilaže potvrdu o prebivalištu/boravištu (prijavnica CIPS-a), kao i ovjerenu izjavu datu pod punom krivičnom i materijalnom odgovornošću da svakodnevno putuje na posao i s posla iz mjesta stanovanja (prebivališta/boravišta), a koje se nalazi izvan sjedišta poslodavca kod kojeg je radnik zaposlen, a radnik koji stanuje izvan mjesta (općina/grad) poslodavca u izjavi navodi da on ili članovi njegovog užeg domaćinstva ne posjeduju nekretninu (stani ili kuća) u mjestu (općina/grad) gdje se nalazi ustanova u kojoj je zaposlen.
- (4) Direktor škole je dužan pribaviti potvrdu o visini mjesečne karte od ovlaštenih prevoznika koji vrše javni prevoz na relaciji putovanja radnika na posao i s posla, za svaku relaciju iz dostavljenih zahtjeva radnika.
- (5) Ukoliko radnik koristi više prevoznih sredstava od mjesta stanovanja do mjesta rada, poslodavac je dužan da mu prizna naknadu prevoza u visini mjesečnih karata odgovarajućih prevoznika, koje su najpovoljnije za radnika, a u skladu sa stavom (1) ovog člana.
- (6) Radnik koji koristi više prevoznih sredstava ili radi u dvije ili više škola, pripada pravo na naknadu troškova prevoza na posao i s posla u iznosu i na način kako je definisano u stavovima (1), (2), (3) i (4) ovog člana, odnosno, ukupna naknada troškova prevoza na posao i s posla ne može biti veća od 250,00 KM mjesečno.
- (7) Naknada prevoza na posao i s posla iz stava (1) ovog člana odobrava se rješenjem koje donosi direktor škole.
- (8) Radnik koji je kupio mjesečnu kartu, priložio fiskalni račun i fakturu direktoru škole za naredni mjesec, a u međuvremenu kod radnika nastaje privremena spriječenost za rad (bolovanje) u tom mjesecu, naknada za prijevoz se isplaćuje u punom iznosu mjesečne karte koji ne smije biti veći od 250,00 KM (Slovima: dvjestopedesetkonvertibilnihmaraka).

Član 3.

(Način i postupak ostvarivanja prava radnika na naknadu prevoza na posao i s posla koji putuje manje od pet kilometara)

- (1) Izuzetno od člana 2. stav (1) ovog Pravilnika radnik koji putuje manje od pet kilometara zbog otežanog pristupa školi može ostvariti pravo na naknadu za prevoz u sljedećim okolnostima:
 - a) kada na putu od mjesta stanovanja do škole ne postoji redovan javni prijevoz,
 - b) kada određene dionice nemaju izgrađene trotoare za kretanje pješaka niti pješački prijelaz,
 - c) kada na pojedinim dionicama nije moguće mimoilaženje bez silaska na kolovoz,
 - d) makadam ili loša putna infrastruktura (područne škole).
- (2) Komisiju za utvrđivanje opravdanosti zahtjeva radnika za odobravanje prevoza na udaljenosti manjoj od pet (5) kilometara, (u daljem tekstu: Komisija) čini sindikalni povjerenik škole i dva člana iz reda radnika škole koje imenuje direktor škole.
- (3) Komisija utvrđuje činjenice na osnovu kojih daje pozitivno ili negativno mišljenje, sačinjava zapisnik i dostavlja prijedlog Školskom odboru.
- (4) Direktor škole na osnovu Odluke Školskog odbora donosi Rješenje o odobravanju ostvarivanja prava na naknadu prevoza radnika koji putuje manje od pet kilometara na posao i s posla.
- (5) Naknada ne može biti veća od naknade utvrđene članom 2. ovog Pravilnika.
- (6) Dokumentacija koju škola dostavlja Ministarstvu sadrži:
 - a) zahtjev za prethodnu saglasnost Ministarstva,
 - b) zapisnik Komisije,
 - c) Odluku Školskog odbora o odobravanju naknade za prevoz radnika na posao i s posla koji putuje manje od pet kilometara,
 - d) Prijedlog Rješenja o odobravanju ostvarivanja prava na naknadu prevoza radnika koji putuje manje od pet kilometara na posao i s posla.
- (7) Naknada za prevoz radnika na posao i s posla odobrava se Rješenjem koje donosi direktor škole, uz prethodnu saglasnost Ministarstva.

Član 4.

(Zloupotreba korištenja naknade)

Zloupotreba korištenja naknade iz člana 2. i 3. ovog Pravilnika, smatra se materijalnom štetom i podliježe obavezi odgovornosti za tu štetu u skladu sa Krivičnim zakonom Federacije Bosne i Hercegovine.

Član 5.

(Provođenje Pravilnika)

Za provođenje ovog Pravilnika zadužuju se sve javne ustanove osnovne škole i Ministarstvo za obrazovanje, nauku, kulturu i sport Zeničko-dobojskog kantona.

Član 6.

(Stupanje na snagu)

Ovaj Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 10-02-8341-06/25.

Datum: 09.10.2025. godine

MINISTAR

Mirza Mušija